

Kultura

Turski kulturni centar

“Suoči se sa svojim strahovima”



Suoči se sa svojim strahovima naziv je izložbe fotografija Valerie Frey koja će biti otvorena večeras u izložbenom prostoru Turskog kulturnog centra.

Valerie Frey, spisateljica i fotografkinja koja živi u Ženevi, napravila je crno - bijele fotografije snimljene na prostoru bivše Jugoslavije u periodu od 1997. do 2005, koje su prvi put izložene javnosti u Ženevi u sklopu Međunarodne konferencije o BiH 20. i 21. listopada 2005. godine.

S ratom razorenim balkanskim prostorom Frayeva se prvi put susreće 1997. godine prateći prikazivanje predstave *Hamlet Machine* Heinera Muellera po BiH. *Evropski književni susreti* koji se održavaju u Sarajevu pružili su joj 2001. godine jedinstvenu priliku da putuje iz Sarajeva u Mostar vozom, a nasuprot tome, 2005. je

automobilom obišla međudržavne i unutarnje granice i posjetila Knin, Mostar i Banju Luku. Svojim fotografijama pokušala je prikazati kako se ponovno gradi život u surovo razorenim mjestima gdje vlada strah, ali i želja za promjenom.

Djela Valerie Frey postavljena su na raznim izložbama u Švicarskoj, Francuskoj i BiH od 1998. godine. Zajedno s Yvesom Laplaceom autorica je knjige *Les Depossedes. Bosnie, Liban: inventaire d'apres guerres*. Potaknuta pitanjem evropskih granica putovala je Evropom prosinca 2002. i siječnja 2003. godine, a putokaz joj je bio roman koji je dobila od svoje bake i na osnovu novog iskustva priprema tiskanje zbirke tekstova i fotografija pod naslovom *Europe 60*.